



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-1203

11/12/2019

ქ. თბილისი

ხობის მუნიციპალიტეტში, სოფ. პატარა ფოთის მიმდებარე ტერიტორიაზე ტორფის მოპოვებაზე სკრინინგის გადაწყვეტილების შესახებ

სსიპ წიაღის ეროვნული სააგენტოს მიერ გზშ-ის ჩატარების საჭიროების დადგენის მიზნით, საქართველოს გარემოს დაცვისა და სოფლის მეურნეობის სამინისტროში წარმოდგენილია ხობის მუნიციპალიტეტში, სოფ. პატარა ფოთის მიმდებარე ტერიტორიაზე ტორფის მოპოვების სკრინინგის განცხადება.

სკრინინგის განცხადების მიხედვით, სალიცენზიო ობიექტი წარმოდგენილია ორ უბნად. ელექტრონული გადამოწმების შედეგად დადგინდა, რომ უბნებს შორის მანძილი შეადგენს დაახლოებით 940 მ-ს. სალიცენზიო ობიექტი მდებარეობს ხობის მუნიციპალიტეტში, სოფ. პატარა ფოთის მიმდებარე, კოლხეთის დაბლობზე და მიეკუთვნება შავი ლელე-პიჩორის საბადოს. ობიექტის აბსოლუტური სიმაღლეა 0,25-3,4 მეტრი.

სკრინინგის განცხადების მიხედვით, I სალიცენზიო უბნის ფართობი შეადგენს 915140 მ²-ს. აღნიშნულ უბანზე ტორფის მარაგი 754075 ტონაა. I უბნის კოორდინატებია: X-723672,685, Y-4669300,977; X-723175,608, Y-4669264,651; X-723088,902, Y-4670573,984; X-723311,152, Y-4671034,360; X-723956,873, Y-4669663,059. ელექტრონული გადამოწმების შედეგად დადგინდა, რომ მანძილი I უბნიდან უახლოეს მოსახლემდე შეადგენს დაახლოებით 613 მ-ს, მდ. რიონიდან 2500 მ-ს, ხოლო პალიასტომის ტბიდან და კოლხეთის დაცული ტერიტორიიდან 130 მ-ს.

წარმოდგენილი დოკუმენტაციის თანახმად, II სალიცენზიო უბნის ფართობი შეადგენს 239710 მ²-ს. აღნიშნულ უბანზე ტორფის მარაგია 197521 ტონა. II უბნის კოორდინატებია: X-725203,012, Y-4670412,348; X-725350,615, Y-4669899,785; X-725185,540, Y-4669803,272; X-725234,481, Y-4669666,215; X-725081,853, Y-4669593,153; X-724903,712, Y-4669825,885; X-725016,148, Y-4670036,655; X-724906,405, Y-4670164,160; X-724656,318, Y-4670157,153. ელექტრონული გადამოწმების შედეგად დადგინდა, რომ მანძილი II უბნიდან უახლოეს მოსახლემდე შეადგენს დაახლოებით 2200 მ-ს, მდ. რიონიდან 1614 მ-ს, ხოლო პალიასტომის ტბიდან და კოლხეთის დაცული ტერიტორიიდან 475 მ-ს. სკრინინგის განცხადების მიხედვით ორივე უბნის ჯამური მარაგია 951596 ტონა.

წარმოდგენილი სკრინინგის განცხადების თანახმად, შავი ლელე-პიჩორის საბადო მიეკუთვნება დაბლობის (ბარის) ტიპს. ტორფის მასივი აგებულია სხვადასხვა სახეობის ტორფით. ფსკერული ნალექები წარმოდგენილია ლამით, ქვიშით და თიხით.

მცენარეული საფარი წარმოდგენილია ლერწმით, ისლით და ბალახით. საინჟინრო-გეოლოგიური პირობების სირთულის მიხედვით ობიექტის ტერიტორია მიეკუთვნება მე-3 (რთულ) კატეგორიას. ტერიტორია მოიცავს საკმაოდ ვრცელ ჰორიზონტალური, ვაკე გავრცელების მქონე ფართობებს, რომლებიც უმეტესწილად დაჭაობებულია და შემოსილია ჭაობისთვის დამახასიათებელი მცენარეული საფარით.

სკრინინგის განცხადების მიხედვით, სალიცენზიო ობიექტი არ ხვდება სახელმწიფო ტყის ფონდის, დაცული ტერიტორიების, კულტურული მემკვიდრეობის ძეგლების სიახლოვეს, არც ტყით მჭიდროდ დაფარულ ტერიტორიაზე, სადაც გაბატონებულია წითელი ნუსხით დაცული ხე-მცენარეები.

წარმოდგენილ დოკუმენტაციაში აღნიშნულია, რომ სალიცენზიო ტერიტორია გამოირჩევა რთული ჰიდროგეოლოგიური და ჰიდროლოგიური პირობებით. წიაღისეულის სარეზერვუარო პროცესში მოსალოდნელია არსებული ჰიდროლოგიური და გეოეკოლოგიური პირობების ცვლილება. ამასთან, გეოეკოლოგიური და გეოდინამიკური გართულებების შემთხვევაში შესაძლოა საჭირო გახდეს ნაპირდამცავი ღონისძიებების გატარება, რაც საჭიროებს დამატებით შესწავლას.

სკრინინგის განცხადებაში არ არის განხილული საქმიანობასთან დაკავშირებული მახასიათებლები, კერძოდ ნარჩენების წარმოქმნა, ხმაური, ატმოსფერულ ჰაერზე ზემოქმედება, დაბინძურებისა და საქმიანობის პროცესში შესაძლო რისკების წარმოქმნის საკითხი. ამასთან, დაგეგმილი საქმიანობის შედეგად გამოწვეული შესაძლო რისკები და საფრთხეები, აგრეთვე ობიექტის ჰიდროგეოლოგიური და ჰიდროლოგიური პირობები საჭიროებს დამატებით შესწავლას და შეფასებას.

წარმოდგენილი მონაცემების ელექტრონულად გადამოწმების შედეგად დადგინდა, რომ ტორფის ორივე საბადო მდებარეობს ჭარბტენიან, გადამფრენ ფრინველთათვის განსაკუთრებული მნიშვნელობის მქონე ტერიტორიაზე, რაც აგრეთვე საჭიროებს დამატებით შეფასებას.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება განთავსდა სამინისტროს ოფიციალურ ვებგვერდზე და ხობის მუნიციპალიტეტის საინფორმაციო დაფაზე. საზოგადოების მხრიდან აღნიშნულ საქმიანობასთან დაკავშირებით წერილობითი შენიშვნები და მოსაზრებები არ ყოფილა წარმოდგენილი.

სკრინინგის განცხადებით დგინდება, რომ ხობის მუნიციპალიტეტში, სოფ. პატარა ფოთის მიმდებარედ სასარგებლო წიაღისეულის, კერძოდ ტორფის მოპოვება თავისი მასშტაბით, მოპოვების მეთოდით და მდებარეობით გამოიწვევს მნიშვნელოვან ზემოქმედებას გარემოზე.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-3 და მე-6 ნაწილების საფუძველზე, ამავე კოდექსის II დანართის მე-2 პუნქტის 2.1 ქვეპუნქტის საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ ხობის მუნიციპალიტეტში სოფ. პატარა ფოთის მიმდებარე ტერიტორიაზე ტორფის მოპოვება **დაექვემდებაროს** გარემოზე ზემოქმედების შეფასებას;
2. ლიცენზიის მფლობელი ვალდებულია საქართველოს კანონის „გარემოსდაცვითი შეფასების კოდექსის“ „გარემოსდაცვითი შეფასების კოდექსის“ მე-8 მუხლის შესაბამისად უზრუნველყოს სკოპინგის პროცედურის გავლა;
1. ბრძანება დაუყოვნებლივ გაეგზავნოს სსიპ „წიაღის ეროვნულ სააგენტოს“;
2. ბრძანება ძალაში შევიდეს სსიპ „წიაღის ეროვნული სააგენტოს“ მიერ ამ ბრძანების გაცნობისთანავე;
3. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და ხობის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
4. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი